

Efnisyfirlit

Inngangur – um leikskólann.....	2
Námsskrá	2
Starfsáætlun.....	3
Mat á leikskólastarfi og umbótaáætlun.....	4
Innra mat leikskólans.....	4
Ytra mat leikskólans	5
Umbótaáætlun samkvæmt niðurstöðum innra og ytra mats.....	5
Áherslur leikskólans fyrir næsta leikskólaár.....	6
Markmið vetrarins í umhverfismálum	6
Markmið vetrarins í Art.....	6
Markmið vetrarins í málrækt	6
Skipulagsdagar og hefðir.....	7
Starfsþróunaráætlun	7
Starfsmannahópurinn.....	7
Barnahópurinn	7
Foreldrasamvinna.....	8
Samstarf leik og grunnskóla.....	8

Inngangur – Um leikskólann

Heilsuleikskólinn Kæribær er staðsettur á Kirkjubæjarklaustri á stórri og góðri lóð. Kæribær hóf starfsemi sína í núverandi húsnæði 1. október 1988. Frá upphafi hefur mikil áhersla verið lögð á heilbrigðan lífsstíl og umhverfismennt. Kæribær flaggaði Grænfánanum fyrstur skóla í Skaftafellssýslum 4. júní 2008. Þann 19. október 2010 var Kæribær vígður sem Heilsuleikskóli og hefur síðan starfað formlega eftir heilsustefnunni <http://heilsustefnan.skolar.is/Heilsustefnan/>

Viðhaldsvinna. Á árinu 2014 var sandgryfjan minnkuð og gamlir og fúnir timburstöplar sem afmörkuðu sandgryfjuna voru fjarlægðir en nýr kantur úr timbri settur í staðinn. Túnþökur voru lagðar til að loka sandsvæðinu sem ekki er lengur notað. Hellur voru lagðar við enda hússins, út af gámnum og hellur voru lagfærðar fyrir utan geymsluskúr. Innanhúss var keypt nýtt skiptiborð með skolvaski. Ný þvottavél með innbyggðum þurrkara var keypt og í eldhúsið voru keyptir skápar og helluborð sem á að fara á vegginn til vinstri þegar gengið er inn í eldhúsið. Þegar þetta er ritað, 2.12.2014 er ekki búið að ganga frá skiptiborðinu en skiptiaðstaðan á að fara af starfsmanna klósettinu inn á klósett barnanna. Þar þarf að fjarlægja stóra klósettið og setja skiptiborðið í staðinn. Ekki er heldur búið að standsetja eldhúsið og þvottavélin, sem á að fara inná starfsmannaklósettið er ótengd.

Námsskrá

Samkvæmt 13. grein laga um leikskóla nr. 90/2008 vinna leikskólar eftir aðalnámskrá fyrir leikskóla. Ný Aðalnámskrá var gefin út af Mennta- og menningarmálaráðaneytinu 2011. Hver og einn leikskóli setur upp sína skólanámskrá þar sem fram kemur á hvern hátt leikskólinn uppfyllir þau viðmið sem þar eru sett fram. Skólanámskráin er aðgengileg á heimasíðu leikskólans <http://www.leikskolinn.is/kaeribaer/>

Einkunarorð leikskólans eru; *Okkar nám er leikur*. Þannig viljum við leggja áherslu á að allt nám sem fram fer í leikskólanum okkar fari fram í gegnum leikinn.

Starfsáætlun

Eins og kveðið er á um í lögum um leikskóla nr. 90/2008 skulu þeir skila starfsáætlun til viðkomandi rekstraraðila. Þar er jafnframt kveðið á um að starfsáætlun skuli lögð fyrir foreldraráð leikskólans til umsagnar.

Tilgangur starfsáætlunar er að gera skólaþróun leikskólans markvissa með árangursmiðuðum markmiðum og umbótamiðuðu innra mati. Hún á að sýna starfsfólki, foreldrum og rekstraraðilum hvernig starf leikskólans gekk á síðasta leikskólaári og hvernig unnið verði að umbótum og nýjum verkefnum á því næsta. Starfsáætlun leikskólans tekur gildi 1. september ár hvert og skal skilað rafrænt til formanns fræðslunefndar fyrir 1. september. Starfsáætlun er lögð fyrir sveitarstjórn til samþykkrar.

Í starfsáætlun leikskólans skulu koma fram:

- Matsaðferðir leikskólans og umbótamiðuð áætlun sem unnin er út frá niðurstöðum innra og ytra mats.
- Áherslur í leikskólastarfinu sem ætlunin er að vinna að, markmið, leiðir að markmiðunum og áætlun um hvernig þau verða metin.
- Starfþróunaráætlun leikskólans og upplýsingar um starfsmannamál.
- Fjöldi barna, kynjahlutfall, dvalarstundir, fjöldi barna sem njóta sérkennslu og fjöldi barna af erlendum uppruna.
- Upplýsingar um foreldraráð, foreldrafundi og foreldraviðtöl.
- Skóladagatal fyrir árið.

Mat á leikskólastarfi og umbótaáætlun

Tilgangur innra mats er að leggja faglegan grundvöll að endurbótum í leikskólastarfi og vinna kerfisbundið að því að auka gæði þess og gera það skilvirkara.

Markmið innra mats samkvæmt lögum um leikskóla er að:

- Veita upplýsingar um skólastarf, árangur þess og þróun til fræðsluyfirvalda, starfsfólks leikskóla, viðtökuskóla og foreldra.
- Tryggja að starfsemi leikskóla sé í samræmi við ákvæði laga, reglugerða og aðalnámskrár leikskóla.
- Auka gæði náms og leikskólastarfs og stuðla að umbótum.
- Tryggja að réttindi barna séu virt og að þau fái þá þjónustu sem þau eiga rétt á samkvæmt lögum.

Skólanámskrá leikskólans er skrifleg lýsing á því sem gert er í leikskólanum og á því sem á að gera. Þar koma fram bæði markmið og leiðir leikskólans. Skólanámskrá leikskólans setur því viðmið fyrir matið.

Tilgangur ytra mats er að safna upplýsingum um viðhorf foreldra leikskólabarna og starfsmanna til að nota við innra mat leikskólans.

Innra mat leikskólans.

Fyrir hverja viku er sett upp myndræn upplýsingatafla fyrir börn, starfsfólk og foreldra þar sem fram koma áætlanir um verkefni vikunnar.

Svefntími yngstu barnanna ásamt upplýsingum um matarlyst og hægðir er skráð á þar til gerðum blöðum inni eldhúsi. Tvisvar á ári, á starfsdegi í apríl og nóvember, eru upplýsingar um stöðu

barnanna í hreyfingu, félagsfærni og myndsköpun færðar inní Heilsubók barnsins. Þær upplýsingar eru síðan kynntar foreldrum í viðtölum í beinu framhaldi.

Hljóm-2 (athugun á hljóð- og málvitund leikskólabarna) var lagt fyrir elstu börnin í byrjun nóvember.

ECERS er viðurkenndur kvarði til að meta leikskólastarf fyrir þriggja til sex ára börn. Hann verður lagður fyrir allt starfsfólk í febrúar 2015.

Elstu börnin lögðu mat á leikskólann sinn. Það var gert á myndrænan hátt. Börnunum vor sýndar myndir og spurt var í leiðinni spurninga eins og „Hvað lærir þú í leikskólanum?“ „Hverju mátt þú ráða í leikskólanum?“ og „Hvað gerir fullorðna fólkið í leikskólanum?“. Þau eru líka spurð um það í hverju þau vilja vera góð í og hvað sé skemmtilegast og leiðinlegast og hvar þeim finnist best að leika sér og hvar leiðinlegast og hvað þeim finnist best að borða. Svörin voru að sjálfsögðu misjöfn en 75% svöruðu því til að allur matur væri góður og eins svöruðu 75% því til að þau megi ráða því við hvern þau leika sér í leikskólanum. Svör við því hvað þau læra í leikskólanum voru t.d. að vera góður, að hlusta og að sitja kyrr á rassinum.

Þá vildu þau t.d. verða góð í því að teikna og að perla könguló og í hvoru tveggja hafði leikskólinn góð tök á því að verða við þessum óskum. Þessir krakkar hafa nú hafið formlegt nám í Kirkjubæjarskóla á Síðu þar sem þau fá einnig tækifæri til að bæta sig á þessum sviðum.

Ytra mat leikskólans

Engar áætlanir eru um ytra mat á skólaárinu 2014-2015 en á síðasta skólaári vann fyrirtækið Skólapúlsinn könnun á meðal foreldra.

Umbótaáætlun samkvæmt niðurstöðum innra og ytra mats

Niðurstöður Skólapúlsins voru ekki nógu jákvæðar. Þó sýna þær að 83,3 % foreldra eru ánægðir með leikskólann almennt en það er 13,9 % undir landsmeðaltali þar sem 97,2 % foreldra í landinu eru almennt ánægðir með sinn leikskóla. Ánægja barnanna í leikskólanum er í sömu könnun 100% sem er 8.4% yfir landsmeðaltali. Óánægja foreldra birtis helst í því að upplýsingar frá leikskólanum berist þeim

Heilsuleikskólinn Kæribær

ekki nægjanlega vel. Ákveðið var að bregðast við því með því að mynda hóp á Facebook þar sem allir viðburðir sem koma fram á skóladagatali og á mánaðardagatali eru ítrekaðir ásamt því að öllum skilaboðum sem sett eru inná heimasíðu leikskólans eru líka settir þar inn. Þessu til viðbótar er auglýsingatafla í fataklefa og tölvupóstur notaður til upplýsingamiðlunar. Ekki má svo gleyma því að starfsfólk er alltaf til staðar og er fúst til að veita upplýsingar um það sem á dagana drífur.

Áherslur leikskólans fyrir næsta leikskólaár

Markmið vetrarins í umhverfismálum.

Markmið vetrarins í umhverfismálum verður sem fyrr endurvinnsla. Viðfangsefnið í verkefninu Skóli á grænni grein er áttugarnir og er markmiðið að kynnast okkar nánasta umhverfi á sem fjölbreyttasta hátt. Viðfangsefnið verða rædd á umhverfisnefndarfundum vetrarins og er aldrei að vita hvert þeir fundir bera okkur.

Markmið vetrarins í Art

Art kennsluefnið verður notað í vetur með tveimur elstu árgöngum leikskólans.

Markmið vetrarins í málrækt

Málrækt á sér stað allan daginn, ekki síst við daglegar athafnir s.s. við matarborðið. Á starfsárinu 2014-2015 verður áfram unnið með Sögugrunn sem námstæki til sögugerðar. Því til viðbótar höfum við námsefnið Leikum og lærum með hljóðin. Fátt er mikilvægara fyrir persónu-, félags-, og vitsmunaprofna einstaklings en að ná góðum tókum á tungumálinu og geta notað það til fjölbreyttra og gefandi samskipta. Til að fylgjast með málþroska barnanna skráum við stöðu barnanna tvisvar á ári á TRAS skráningarlista fyrst þegar barnið er um 2,2 ára og síðast þegar barnið er um 4,8 ára.

Skipulagsdagar

Skipulagsdagar verða fjórir á skólaárinu 2014-2015. Fyrst var haustþing leikskóla á Suðurlandi á Selfossi 4. október. Annar starfsdagurinn verður 5. desember, notaður til skráninga í heilsubækur, þriðji dagurinn verður 23. febrúar og fjórði starfsdagurinn verður 24. apríl einnig notaður til skráninga í heilsubækur. Stefnt er á námskeið í Tákni með tali fyrir allt starfsfólkið 23. febrúar 2015.

Starfsþróunaráætlun

Starfsþróunarsamtöl eru formleg einu sinni á ári og hefjast um miðjan janúar og lýkur þeim um miðjan febrúar. Leikskólastjóri tekur þessi viðtöl, notar eyðublöð til stuðnings og afhendir starfsmönnum tíu dögum áður en viðtalið er tekið.

Leikskólastjóri tekur síðan saman yfirlit og rita báðir aðilar undir og hefst viðtalið á því að farið er yfir það sem rætt var um árinu áður, hvað hefur gengið vel og hvað má ennþá bæta.

Starfsmannahópurinn

Veturinn 2014-2015 verða þrjár 100% stöður við leikskólann. Þar inni er stjórnunarþátturinn sem reiknast u.þ.b. 30% og eldhússtörf önnur 30%. Auk þess er starfsmaður í afleysingum og ræstitæknir. Leikskólastjóri er með leikskólakennaramenntun og hefur hún að auki framhaldsmenntun í Uppeldis- og menntunarfræðum. Deildarstjóri hefur leikskólakennaramenntun og er í framhaldsnámi. Þriðji starfsmaðurinn hefur lokið stúdentsprófi og búfræðimenntun. Starfsmaður í afleysingum hefur lokið hússtjórnarskóla, ferðamálafræði og búfræðinámi.

Barnahópurinn

Barnahópurinn desember 2014 er:

Fjögur börn fædd 2009, þrjú börn fædd 2010, tvö börn fædd 2011, fjögur börn fædd 2012 og þrjú börn fædd 2013. . Samtals eru þetta 16 börn 10 drengir og 6 stúlkur. Eitt barn á pólska foreldra. Viðvera barnanna er annars þannig að fjögur börn eru með 100% viðveru, þ.e. átta

Heilsuleikskólinn Kæribær

tíma á dag alla daga, eitt barn er með 112% vistun þ.e. níu tíma vistun alla daga, hin börnin ellefu eru með vistun á bilinu 50% til 95%. Þrjú þeirra eru með sveigjanlega vistunartíma sem tekur mið af vaktavinnu móður þeirra.

Foreldrasamvinna

Miðlun upplýsinga til foreldra fer að mestu fram með daglegum samskiptum, á heimasíðu leikskólans, töflu í fataherbergi, með tölvupósti og í gegnum facebook síðu. Heimasíðan er: <http://www.leikskolinn.is/kaeribaer/> Einn foreldrafundur er yfir skólaárið, í september. Við leikskólann starfar foreldraráð með þremur fulltrúum foreldra og er það kosið á foreldrafundi í september. Tilgangur foreldraráðs er að gefa umsagnir til leikskóla og fræðslunefndar um skólanámskrá og aðrar áætlanir sem varða starfsemi leikskólans s.s. starfsáætlun sem þessa. Þá skal ráðið fylgjast með framkvæmd skólanámskrár og annarra áætlana innan leikskólans og kynningu þeirra fyrir foreldrum. Foreldraráð hefur umsagnarrétt um allar meiri háttar breytingar á leikskólastarfi (Lög um leikskóla 90/2008)

Foreldrum er boðið uppá viðtal tvisvar sinnum á ári þar sem m.a. er farið yfir skráningar í Heilsubók barnsins.

Foreldrasjóður er við leikskólann og borgar hvert heimili, óháð fjölda barna, 400 krónur í hann fyrir hvern mánuð.

Samstarf leik og grunnskóla

Yngsta stigi grunnskólans er boðið að koma og taka þátt í því að endurvinna pappír ásamt því að vinna á skapandi hátt úr verðlausu efni. Sama dag er farið í ýmsa hreyfileiki enda yfirskrift þessa dags „Sköpun og hreyfing“. Elstu börn leikskólans munu eiga fastan tíma hjá kennara í grunnskóla frá áramótum.

Kirkjubæjarklaustri 14.01.2014

Þórunn Júlíusdóttir skólastjóri Heilsuleikskólans Kæribær.